

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۲ ۱۵ جادی الاولی سنہ ۱۳۳۰ پنجشنبہ ۱۹ نیسان ۱۳۲۸ برنجی جلد

بنده کز جبهه اک بیوک بر مدار مفخرت اولدیغندن بو وجهله حقمده ارزان بیوردیغکنز
لطف جلیله بحق بیان تشکر ایتمده عاجزم . . .
بر زمان صکره متصرف لوا احمد بك انفصال ایتدی . بوحال بزم ایچون بك الیم
وقائیدن اولغله بك متأثر اولدق .

[مابعدی وار]

برکت زاده اسماعیل حق



تراجم امرا :

اسعد خواجه

یانیهلی خواجه محمد اسعد بن علی :

علوم دینیہ و فنون عقلیہده تمیز ایدن فضلا ومؤلفین عثمانیہدن بر ذات عرفان سمات اولوب
(یانیه) لیدر . علوم آلهینی مملکتی علماسندن مفتی محمد و ابراهیم افندیلردن علوم عالیہی ده
(۱۰۹۸) تاریخنده استانبولده آق شهرلی زاده ابراهیم افندیدن بالتحصیل شرکاسنه فائق
بر صورتده اخذ اجازیهده موفق اولهرق تدریسه باشلادی . بوانشاده تحصیلنه خواهشکر
بولوندینی علوم طبیعییه اساس اولق اوزره (تکفور طاغی) مفتی سابق فاضل فنون
اشنا (محمد) افندیدن حساب و هیثاتی ورئیس المنجمین محمد افندیدن اصول ارتقاعی تعلم
ایلهدی . بوتعلمدن سوکردهده زبان فارسییه مراقاید رک بولسان لطافت بیان متخصصلرندن
(ملا منجل) دن واصل مرام اولدی . واکتساب ایتدیکی شهرت علمییهسی مکافات اولق
اوزره باب مشیختجه رتب علمییهدن (۱۱۱۱) تاریخنده ابتداء خارج و (۱۱۳۸) ده
(غلطه) ملائی توجیه اولوندی .

بو مولوتی متعاقب او تاریخنده یکی احداث اولونان (دارالطباعة العامره) مصحح لکنه
تعین ایلدی . ومبنا و غایهسی تزکیه نفس و تصفیة قلب اولان طرق علییهدن طریق
نقشبندییه انتساب ایله یوب نائل فیوضات محمدی اولدی . بو وجهله اوقافکذار ایکن
(۱۱۴۳) تاریخنده ارتحال داربقا ایدرک (ادرنه قایمی) خارجنده امیر بخاری درکاهی
قربنده کی مقبرهده ودیعه خاک فنا قیلندی (رحمه الله علیه) .

مرحوم مشار الیه علوم و حکمیات اسلامیہ الیہ - زمانہ کورہ - فنون و فلسفہ غریبیہ واقف بر فضل حکمت شناس ایدی . السنۃ اسلامیہ دن تورجہ، عربیہ، فرسجہ والسنۃ نصارادن لایتجہ ، رومجده تکلم و کتابت الیہ بحق ترجمہ مقتدر والسنۃ ثلثہ دن انشا و شعره قادر اولدیفنه آثار متنوعه سی شاهد عادلر . فقط اکثر مؤلفین عثمانیہ کی بوذاتکده آثارینک طبعنه همت اولونمادیفندن ناشی بالطبع زمانسده قازان دینی شهرت علمیہ سی زائل اولدینی جهتله صیت فضلی بالآخره - عددلری محدود اولان - بویولده کی ارباب تحری و تتبعه منحصر قالمشدر . آثار علمیہ و حکمیہ سنک بعضیلرینی جامع اولان بر مجموعہ سی راغب پاشا کتبخانه سنده موجوددر . استانبول کتبخانه لرنده بولا بیلدیکم آثار سائرہ سی ده بروجہ آتی در :

- (۱) ترجمۃ شفا لابن سینا
 - (۲) شرح حکمة الاشراقیة
 - (۳) ترجمۃ مطالع الانوار
 - (۴) ترجمۃ شرح الانوار فی المنطق
 - (۵) ترجمۃ کتب سماویة فی حکمة طبیعیة
 - (۶) شرح منظومۃ شاهی (بوشردن باشقه متن شاهی دینی رومجہ ترجمہ ایدہ رک وطننه ارسال ایتدیکی تذاکر شعرا دن (تذکرہ رامن) ده محرردر .)
 - (۷) مرتب دیوان
 - (۸) ترجمۃ کتب ثمانیہ لحکیم ارسطو (داماد ابراهیم پاشا الیہ شیخ الاسلام یکیشهرلی عبده افندیکنک التماسلریله ترجمہ ایتمشدر .)
 - (۹) حاشیۃ اثبات واجب
 - (۱۰) رساله لاهوتیه
- بو آثار دن باشقا مطالعہ ایتدیکی کتابلرک همان اکثرنده تعلیقاتی کورولمکده در . ایات متصوفانه سندن :

آ کلاماز فیض خدایی سرین ادراک الیہ من
کیرمه سنلر حلقه توحیده الله عشقنه

بروسه لی

نحمر طاهر به رفعت